



檢書總目序



國朝著述之富咸推崇

太史楊升菴公而師宗之

佞嘗閱丹鉛總錄鈔上可稱

隱辨所析揆思博洽者實

建安開元之際以及稗史百
家無不漁獵其著述之卷
遂已矣其作者說者謂先
生未固曠世而自非遠竄
夜郎窮樓沒齒無以極生

所見聞也論職鉅圖弗倚載
而不加斧藻間以己意解釋
剖質洵足為稽古證今之助
而羽翼矣夫丹鉛總錄也已視容
態隨筆不彙過之目錄也

蓋能讀父書而上繩祖考者
太史公其有後乎

聖天子重權採之氣公卿

命而來持虛乘正多所實恆宛
隸前賴省怙恃取不常以此

久稽

侍從之由又不患戕斯民以為溝
中瘠引之病求去異然以感
悟

若心而扣於上章十數起而來

俞所請杜門多暇乃出其平日
所雜記彙而付剞劂反自命
其名而為之引不敢顯附乎
此者蓋以淑家學淵源所由云
不佞幸以執事之雅重竅約

文之一斑日修焉

朝立暢陞以盡行所學以潤色

鴻業清更省大暑述以呈

垂琬琤

萬曆乙巳秋杪西吳胡心得

檢蠹隨筆 卷一
屬字子鄭之仕學軒



檢蠹隨筆引

余自展卷以來凡誦讀所睹記事物所考索或朋
友所稱說及道路所聽聞悉付毛穎氏紀之不問
人之棄取而惟余意是採今古駁雜積成數絹偶
以觀之友人王季高季高曰此足稱楮記室矣當
授之梓人余不能謝其請然亦以好翻譯者或有
資于一二焉若曰提要鉤玄以附于多聞多識則
吾豈敢

萬曆乙巳七夕日成都楊宗吾伯相父識

檢蠹隨筆卷一

成都楊寧
上海王尚修
季高甫校閱

上海王尚修
季高甫校閱

天文類

杵臼說

天文有杵臼星白四星而方杵三星而直宛然春
形聖制器天啓之天垂象聖名之一理貫串何後

何先
魏子才

天網

北斗名天網為天之網維

玉衡

古詩玉衡指孟冬衆星何歷歷補注為冬字乃是秋字後觀擣素賦有云測平分以知歲酌玉衡之初臨則知玉衡指孟秋為是

十日並出

養生篇云十日並出萬物皆照○十日以喻重明猶易明兩作也後世遂有十日羿彈之語

乘雲氣騎日月

養生篇乘雲氣騎日月○騎日月猶楚詞所謂凌

倒景也

織鳥

織鳥日也往來如織也

婺女星織女

婺女星為嫁女織女星為處女

日食

春秋感精符曰魯哀公時政彌亂當致日食之實而史不書告之不悟譴之何益天人交棄之矣

女潰星

陸終娶于鬼方氏之妹名曰女潰星生彭祖世本

吹雲

陳思王有吹雲贊云吹雲吐潤浮雲蒼鬱○吹雲字甚新文人罕用也

潏雲

呂氏春秋山雲草莽水雲魚鱗旱雲煙火潏雲波水潏雲雨雲也

颶母楓人

唐子西詩雲黃生颶母雨黑長楓人○楓人即楓樹上寄生名楓人以泥泥之則雨降是也颶母如新虹欲大風即見

時雨

時雨降多置器廣庭中所得水甘滑不可名潑茶煮藥皆美又二分二至日取水儲之後七日輒生物如雲母狀

雷耕

雷州陰晦之夕謂之雷耕曉耘田中必有開墾之

迹

赤雪

赤雪者赤青也。○孫甫論赤雪地地震疏。○赤雪亦

異哉。○晉朝雜事云大康七年雨赤雪二頃唐五行志貞元二十一年正月雨赤雪于京師

滕六異二

滕六雪神名異二風神名滕六降雪異二舞風

五行

正月至四月為歲之始三月至八月為歲之中九月至十一月十二月為歲之夕上旬為月之朝中

旬為月之中下旬為月之夕平旦至食時為日之

朝禺中至日映為日之中晡時至黃昏為日之夕

二月為天門

卯二月萬物冒地而出象開門之形故二月為天

門說文

行夏之時

孔子曰行夏之時蓋夏以寅為人正得天道之中

故以寅為歲首屬春之孟夏秋冬四時之序定矣

或謂今夜之子時即為明日之初何不以今年之

子月卽爲明年之首乎曰冬不可先於春是固然矣予嘗稽之古人參之曆數蓋一主於太陽之度次也太陽每日隨天運轉周於地之十二方而爲十二時地道右旋是以太陽次子方爲子時次午爲午時順行十二方而爲十二時此所以今夜之子時卽爲明日之初宜也太陽每歲立纏天輪之十二星而爲十二月天道左旋是以太陽次子躔虛宿之度而立春爲正月逆行次亥爲二月次戌爲三月次巳爲四月此所以今年之子月不可以

爲歲之首也正月建寅太陽次虛太陰次危日月皆在天輪之子位此天道一陽更新皆屬於孟春之月其有以哉

徂龍

徂龍指日也沈約詩馳蓋轉徂龍

客星

客星入杵曰四方兵起天下聚米

星經

天有四時

文子云天有四時五行九解謂一月有三十日一

時有九十日也春曰九春秋曰九秋夏曰九炎冬曰九寒又曰冬至後有九九八十一日夏至後有九九八十一日俗云數九是也

夏至冬至數九

一九至二九扇子不離手三九二十七喫水如蜜汁四九三十六爭向露頭宿五九四十五樹頭秋葉舞六九五十四乘涼不入寺七九六十三夜眠身被單八九七十二被單添夾被九九八十一家打炭擊冬至後一九二九相喚不出手三九二

十七籬頭吹簞篋四九三十六夜眠如露宿五九四十五太陽開門戶六九五十四貧兒爭意氣七九六十三布袴兩襠八九七十二猫狗尋陰地九九八十一犁爬一齊出范公吳人不免用鄉語

今人但知冬至數九不知夏至數九也特表出之

萍翳

萍翳雨師名一作屏翳今作柄音非

玉女投壺

神異經東王公與玉女投壺設有不接天爲之笑

開口流光金電是也

太白

太白入畢口馬馳人走 天文

七星

李長吉詩七星貫斷姮娥死七星北斗也貫相連屬也姮娥指月而言其意謂七星不斷姮娥不死猶云太山如礪黃河如帶耳吳西泉以七星為劍名失其旨矣 霏雪錄

劉歆鍾律書

春宮秋律百卉必凋秋宮春律萬物必榮夏宮冬律雨雹必降冬宮夏律雷必發聲

玉井星

天文要集曰玉井星主粥厨

金星麝月

金星將婺女爭華麝月與嫦娥競爽。 玉臺集序

五帝座星

文耀鉤曰太微宮有五帝座星蒼帝曰靈威仰赤帝曰赤熛怒黃帝曰含樞紐白帝曰白招拒黑帝

曰汁光紀春秋

太白行

太白病渴入東井華林長生醉不醒誰言天道玄
且幽穹窿块北如形影投壺生電玉座傍霄奔仍
要玉清梁月宮冷落躑白兔疎疎桂樹倚吳剛

明星

甘氏星經太白上公妻曰女媧女媧居南斗食厲
天下祭之曰明星

檢蠹隨筆卷二

成都楊宗吾伯相甫纂著
上海王尚修季高甫校閱

地理類

麗江災異

成化庚子五月內雲南麗江軍民府巨津州白石
雲山約長四百餘丈距金沙江計二里許一日忽
然山裂中分其一半走移于金沙江中興兩岸雲
山相倚山上木石依然不動江水壅塞逆流滄沒

田苗蕩折民居州府具申上司鎮守太監等官具聞諸朝時雲南屢有邊報此山之兆也

水關

貴州普定衛有二水一曰滾塘寨一曰鬧蛙池相近前後吾吳人從軍至此夜聞水聲搏激既而其響益大居人闢戶視之噴面波濤竟不可逼坐以伺旦其二水一涸一溢人以為水關吾不知其何恠也

樵野記

粉水

皮日休梅詩合傍蕭家粉水關○雍州記蕭何夫人漬粉於房山之水鮮潔異常今丹江是也俗呼

粉清江在浙川縣

茗雪二水

茗雪二水名其匯處茗清雪濁了不相混物理有不可曉者

五嶽

趙得正云泰山如坐華山如立嵩山如臥衡山如行恒山如闢此五岳真形也

太湖名

太湖在蘇州其名不一禹貢曰震澤爾雅曰具區國語曰太湖吳越春秋曰笠澤地志曰洞庭王公濟之以震澤爲號修地志曰震澤編先曾太師覽之謂李文正公曰震澤者洪水未治時名也書旣云震澤底定矣謂之定澤亦可也文正深然之退謂人曰石齋公相業於定澤二字見之矣

佛菴國水銀

元延祐間佛菴國使來朝備言其城當日沒之處地有水銀海周圍可四五十里國人取之之法先於近海十里掘坑井數十然後使健夫駿馬皆貼以金箔迤邐行近海日照金光晃耀則水銀滾沸如潮而來勢若粘裹其人卽回馬疾馳水銀隨後趕至若行稍緩則人馬俱爲水銀撲没人馬旣回速於是水銀勢漸遠力漸微却復奔回遇坑井則水銀溜積其中然後旋取之用香草同煎則花銀矣水銀中國亦產固非奇物術士輩往往煉之爲藥銀然畢竟是假若彼國煎而爲花銀是殆其草

藥之靈異也

池水不涸

崇寧年西都脩大內惠苑中池水易涸或云置骨池中則水不涸置之果然顧元慶

女媧山

覆碑倉頡冢登賦女媧山太行山卽女媧山也

上池水

史記扁鵲傳飲以上池之水上池水竹木上未到地水○本草謂之半天河

伏甗山

夾江縣之伏甗山有仙掌洞今稱紫府洞是已其山雲常五色黃色居其中亦佛光之類耶

清冷淵

北人無擇不受舜之天下自投於清冷淵○清冷之淵在南陽郡西嶠下○南都賦耕父揚光于清冷亦此地也

紫塞長城

秦築長城土皆紫色故稱紫塞○燕築造陽之郊

秦塹臨洮之險此長城之始也

交河

交河卽古烏孫國車師王南庭之地非今之交河也

姑射山

逍遙篇云藐姑射之山有神人居焉○按藐遠也姑射山有三一在平陽一在會稽名姑的此在北海中故名藐姑射

嫁衛

國不足將嫁於衛○按旅行曰嫁蓋方言耳

函谷關

余往來都下屢過新安縣見城東半里許爲函谷關相傳卽老子乘青牛關令尹望紫氣處丁酉歲余以察閱升務至靈寶會司隸公許鑑湖云地理古蹟境內有古函谷關其實在靈寶今在新安者非也靈寶有說經臺卽老子著道德經之所合縣境內無老鴉是其靈異且與陝州接壤州中鴉頗多不入靈寶疆界此亦異事後閱新安志漢武帝

元鼎三年始置新安縣屬弘農郡雍州又徙函谷關于新安以故關爲弘農縣夫曰徙于新安則知古函谷關之在靈寶無疑矣今人但知在新安耳姑表出之

一柱觀

張華博物志江陵有臺甚大而惟一柱衆梁皆拱此柱故云一柱觀

望鄉臺

望鄉臺在成都北隋蜀王秀所築

蒸土

史稱赫連勃勃蒸土築城蒸非甑蒸也春首聚土陽氣蒸之築必堅固

見貢父詩話

彈箏峽

平涼有弦歌山彈箏峽峽口水流風吹滴崖響如彈箏之韻故名彈箏峽唐詩彈箏峽東有胡塵

長卿山

長卿山在梓潼縣南五里○圖經云唐玄宗幸蜀遙見山上有窟近臣奏此司馬相如讀書之窟勅

改為長卿山○按玉篇注引相如梓潼山賦則相如讀書之梓潼山中益可證矣

午道

戰國策韓守成臯魏塞午道○按午道一縱一橫交午之道今俗云十字路是也近見俗本不知午字之義妄改作其道

八藪

魯有大野晉有大陸秦有楊汗宋有孟諸楚有雲夢吳越之間有具區齊有海隅鄭有圃田此八藪也

三會水

中江源從漢州彌牟雒水毗橋合為一江名三會水今名三渡水

銅盤山

銅盤山在金堂縣西北二十里北接雒縣南連新都山形如盤洛水彌水毗江三水經此山下合中流

白狗黃牛

白樂天詩白狗次黃牛灘如竹節流○白狗峽黃

牛峽也

繁陽山

繁陽山在新都杜光亭詩四世三真住繁陽

天洞啼猿

天洞閣啼猿閣在褒斜見顧非熊詩今失其處

施甸

陸游詩亂山落日葭萌驛古渡悲風桔栢津○葭萌今之施甸俗舛而為店

江南

唐詩行盡江南數十程江南指蜀江之南長安志自蜀望長安為北蜀為南也

北海南河

北地有水率名之曰海小而大之也南地有水率名之曰河大而小之也

交趾

以唐交州貢荔枝長安只七驛約八百里乃自南平取涪州達州以入子午谷乃知夔峽一踞與交趾近馬援平交趾亦自關中入涪入南平黔中一

帶以往

聖止廟

唐垂拱四年十一月少華山側飛土掩谷為山擁水為池群峯競起後立聖止廟

三峯

名山記云華岳有三峯直上數千仞其廣而高峯峻壘迄於嶺表有如削成今博山香爐形實有之

三隅山

三隅山益州記云東隅西隅南隅三隅相對山去

陵井各一里 今在井研

爛柯山

九州要記王質爛柯山在雋州昆明縣本漢定笮縣地周武帝天和三年定笮鎮唐武德二年於鎮置昆明縣天寶中置昆明軍

射江

射洪有射江故曰射洪字一作紅土人謂江曰紅
○按嶺南周憬碑曲江作曲紅是其例證也

內江

餘靈續集 卷二 九

涪陵一名內江○杜詩百丈內江船指此

蛾眉磧

蛾眉磧在萬縣磧形如眉多細石班璘可以遊戲

青山石

青山石在遂寧縣九州要記云此山天下青石無佳于此可為鐘磬

紫陌山

紫陌山在梁泉縣西其山兩頭高如龍形今在鳳縣境

大丙小丙

大丙山小丙山在沔南其山峻峭山衣石髮被於崖際有丙穴嘉魚所出也

修史亭

畫扇峯荊州記云修史亭西一峯迥然西映落日遠而望之全如畫扇

大秦國

大秦國在西海之西其國以珊瑚為椀柄琉璃為牆壁水精為柱礎

蘇秦墓

蘇秦墓在新安縣西二十里廬院保秦洛人師事鬼谷子後佩六國相印卒葬于此唐張巡詩沙埋古篆折碑文。六國存亡事係君。今日淒涼無處說。亂山秋盡有寒雲。○余以升務曾經其地有詩云六國連衡事若何。歸來兄嫂畏金多。只今惟有餘丘壠。覆雨翻雲聽鳥歌。

妲己墓

妲己墓在乾州西五里莫谷河西半崖坡內隴山

下望秦川如帶極目泯然墟宇桑梓與雲霞一色
山高水低

人言水最低不知雨從天上下何其高也人言山
最高不知海中有山何其低也

浮天載地

黃帝書曰天在地外水在天外水浮天而載地者
也

孤雲雨角

巴州險峻處謂之孤雲雨角諺云孤雲雨角去天

一握

杜宇

杜宇鼈靈二墳在郫

滾湯泉

滾湯泉冷泉在嵩縣百里外名大章地方兩泉並
出一山下上有古刹滾泉沸如也冷泉雪如也詢
之僧人云寺內經月不舉火每欲飲食懸釜而炊
少頃即熟余丁酉歲以察閱井務曾目稽焉兩水
交流寒熱既濟灌稻田數百畝亦異產也

寄徑

十國齊王曰寡人將寄徑於梁○徑步道也猶云

假涂俗云借路是也

東周

棧道

史記蔡澤謂范雎曰今君相秦計不下几席謀不
出廟廊坐制諸侯棧道千里通於蜀漢據此則棧
道之始由于范雎也

地乳

河圖云岐山在昆崙東南為地乳

海有五德

海有五德謂澄清不受尸多出奇妙寶受大雨不
盜風日不能竭淵深難可測

五谿

五谿者雄谿楠谿辰谿酉谿舞谿也

鴻山關

唐縣有鴻山關昔項羽于此見群鴈曰我當南面
射中其一及射不中時人知其終不能濟

吳城

闔閭築吳城陸門八以象天八風水門八以象地
八卦吳都賦重城結隅通門二八劉禹錫詩二八
城門通道路五千兵馬引旌旗

鼉磯島

蓬萊縣鼉磯島與沙門島相連紫翠巉絕出沒濤
中真神仙所宅上生石芝草木奇絕多不識名又
多美石見東坡北海十二石記產金星雪浪硯

地網

地網在秦州吳璘所開平地縱橫鑿爲渠每渠闊

八尺深丈餘連綿不斷如網金兵始不敢犯

三條四列

導岍北條西傾中條嶓冢南條○導岍爲陰列西傾爲次陰列嶓冢爲次陽列岷山爲正陽列

罌浮渡

罌浮渡在朝邑縣○韓信木罌渡河

草涼

唐明皇幸蜀至棧道中苦熱乃命結草爲樓以避暑至今地名草涼驛

光石

放光石出蜀之峨眉山大如指長寸許色白如玉觚稜如削每窓櫺孔隙受日光處照之則五色光彩反照一室煥然炫目蓋亦名山精靈之所結也

繒綾

山不平貌○王文考賦削繒綾以龍鱗言山文如錦也





松屋隆
卷二

一四

